

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj: 05/09-01-04-53704-117/25
Sarajevo, 16.12.2025. godine

SKUPŠTINA KANTONA SARAJEVO

- OVDJE -

PREDMET: Odgovor na zastupničku inicijativu zastupnice Smiljane Viteškić, dostavlja se,-

Veza Vaš akt br.: 01-04-53704-11/25 od 14.11.2025. godine.

Dana 28.11.2025. godine, Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je predmetni akt, na nadležno postupanje sa prilogom, zastupnička inicijativa zastupnice Smiljane Viteškić.

Zastupnica Smiljana Viteškić je na 26. (dvadesetšestoj) radnoj sjednici Skupštine Kantona Sarajevo, održanoj dana 14.11.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 212. Stav (2) Poslovnika Skupštine Kantona Sarajevo uputila zastupničku inicijativu koju je dostavila u pisanoj formi, te da se u skladu sa odredbama Poslovnika Skupštine Kantona Sarajevo odgovor dostavi u pisanom obliku.

Zastupnica Smiljana Viteškić je uputila slijedeću inicijativu:

Podnosim inicijativu da se u Budžeta KS za 2026. godine izdvoje sredstva u iznosu od 200.000,00 KM za održavanje Postrojenja za prečišćavanje otpadnih voda Trnovo.

Obrazloženje: Sporazum o definiranju statusa za Postrojenje, potpisan je 2018. godine između KS, odnosno Ministarstva komunalne privrede i infrastrukture, KJKP ViK i općine Trnovo da pomenuti prečištač preuzme JKP „Trnovo“ uz obavezu da će Ministarstvo finansirati rad postrojenja. Za nesmetan rad postrojenja potrebno je 200.000,00 KM. JKP „Trnovo“ nije u mogućnosti finansirati rad, a eventualni izostanak finansiranja od strane Kantona Sarajevo dovodi u pitanje rad istog. Posljedica je izlivanje fekalne kanalizacije iz RS Trnovo u rijeku Željeznicu, što će uzrokovati zagađenje rijeka koje je od značaja za vodosnabdijevanje Sarajeva.

ODGOVOR

Na osnovu Budžeta Kantona Sarajevo za 2025 godinu i odredaba Zakona o izvršenju Budžeta Kantona za 2025. godinu, sklopljen je Sporazum o izdvajanju sredstava za rad postrojenja za prečišćavanja otpadnih voda Trnovo u iznosu od 132.000,00 KM iz segmenta zajedničke komunalne potrošnje za 2025. godine, između Ministarstva komunalne privrede, infrastrukture, prostornog uređenja i zaštite okoliša i JKP „Trnovo“ d.o.o. Sarajevo kojim su regulirana međusobna prava i obaveza u pogledu finansiranja troškova Postrojenja prečišćača otpadnih voda Trnovo. Ovaj Sporazum se primjenjivao sa rokom važenja do 31.12.2025. godine.

Predmetnim aktom broj: 02-XI-1362/25 od 28.11.2025. godine, JKP „TRNOVO“ d.o.o. Trnovo, dostavilo je Amandman na Nacrt Budžeta Kantona Sarajevo za 2026. godinu, kojim su podnijeli inicijativu za nastavak finansiranja rada postrojenja, a s obzirom na inflatorna kretanja, poskupljenja troškova energije, radne snage i troškova održavanja, smatraju da je za rad postrojenja neophodno osigurati minimalno 200.000,00 KM u Budžetu Kantona Sarajevo za 2026. godinu.

Međutim, Ministarstvo komunalne privrede, infrastrukture, prostornog uređenja i zaštite okoliša su predložili finansijska sredstva u Budžetu Kantona Sarajevo za 2026. godinu, isti iznos koji je bio i za 2025. godinu.

S poštovanjem,

PO OVLAŠTENJU MINISTRA
sekretar Ministarstva
Vildana Smajović

Dostaviti:

1. Skupština Kantona Sarajevo;
2. Stručna služba Vlade KS - na znanje;
3. Lice za koordinaciju izrade odgovora na poslanička/zastupnička pitanja i inicijative - na znanje;
4. Evidencija;
5. Arhiva.